

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održan sastanak općina KS u vezi Prijedloga zakona o lokalnoj samoupravi	1
Načelnik Općine B. Petrovac Z. Hujić razgovarao sa federalnom ministricom okoliša i turizma	1
Održan susret privrednika Općine Novi Grad Sarajevo	2
Općinski načelnici ŽZH održali zajednički sastanak	3
U toku proširenje uređaja za pročišćavanje otpadnih voda u Čitluku	3
Komunalnom javnom društvu Maglaj predat na upotrebu savremeni kamion za odvoz smeća	3
INTERVJU: Hajrudin Hadžidedić, načelnik Općine Odžak	4
Stari Grad dobija novi park prijateljstva	5
Općina Cazin se zadužuje za završetak kanalizacione mreže	6
Općine koje obilježavaju svoj dan u mjesecu martu/ožujku	6

Bilten Saveza općina i gradova Federacije Bosne i Hercegovine

ODRŽAN SASTANAK OPĆINA KANTONA SARAJEVO U VEZI PRIJEDLOGA ZAKONA O LOKALNOJ SAMOUPRAVI

Savez općina i gradova Federacije Bosne i Hercegovine, kao zakonski zastupnik interesa jedinica lokalne samouprave, organizirao je 26. februara/veljače u prostorijama „Centra za podršku biznisu“ Općine Centar Sarajevo zajednički sastanak sa predstavnicima jedinica lokalne samouprave sa područja Kantona Sarajevo u vezi sa Prijedlogom zakona o lokalnoj samoupravi. Učešće u sastanku su uzeli predstavnici osam općina kantona i to: Vogošća, Hadžići, Tmovo, Ilijaš, Novi Grad Sarajevo, Ilidža, Centar i Novo Sarajevo.



Sa sastanka predstavnika općina Kantona Sarajevo, 26.02.2013.

Svrha održavanja sastanka jeste zauzimanje zajedničkog stava u vezi sa tekstom Prijedloga zakona koji bi se ispred Saveza općina i gradova Federacije BiH dostavio nadležnim institucijama. Naime, Ministarstvo pravde i uprave Kantona Sarajevo je svim jedinicama lokalne samouprave sa područja Kantona Sarajevo i Savezu, dostavilo Radni materijal prijedloga Zakona o lokalnoj samoupravi, i ostavilo rok od 60 dana za dostavu primjedbi, prijedloga i sugestija na isti. Učesnici sastanka su podržali donesene zaključke na sastanku načelnika četiri gradske općine koji je održan 07. februara/veljače, u kojima su navedeni konkretni prijedlozi jedinica lokalne samouprave vezano za navedeni zakon, te, između ostalog usvojili i sljedeće: Insistirati na simetričnim rješenjima svih općina u Federaciji Bosne i Hercegovine, Insistirati na doslovnoj primjeni Evropske povelje o lokalnoj samoupravi, Insistirati na preciznom definisanju nadležnosti, odnosno riješiti problem definisanja nadležnosti na više nivoa, te u tom smislu odrediti da je stvarno nadležan onaj ko ima sredstva, Inicirati sastanak sa ministricom pravde i uprave Kantona Sarajevo, kao i uputiti preporuku Ministarstvu pravde i uprave Kantona Sarajevo za formiranje radne grupe za konačnu izradu Prijedloga zakona o lokalnoj samoupravi Kantona Sarajevo u kojoj će učestvovati i predstavnici jedinica lokalne samouprave Kantona Sarajevo.

NAČELNIK OPĆINE BOSANSKI PETROVAC Z. HUJIĆ RAZGOVARAO SA FEDERALNOM MINISTRICOM OKOLIŠA I TURIZMA B. ĐURIĆ



SARAJEVO, 21. februar/veljača – Federalna ministrica okoliša i turizma Branka Đurić razgovarala je jučer u Sarajevu s načelnikom općine Bosanski Petrovac Zlatkom Hujićem o projektima kojima bi se unaprijedili turistički potencijali ove općine i o sanaciji postojeće deponije.

Hujić je upoznao ministricu Đurić sa trenutnim stanjem na terenu u općini Bosanski Petrovac, kao i o projektima koji su u planu kada je riječ o unapređenju turističke ponude ove općine, kao što je unapređenje skijaškog centra Oštrej. Načelnik je istakao da općina Bosanski Petrovac ima značajne prirodne resurse i netaknutu prirodu koji, uz suradnju sa susjednim općinama i unapređenjem njihovog sadržaja, mogu značajno poboljšati turističku djelatnost ovog kraja.


Također je bilo govora i o, što skorijoj, izradi Plana prilagođavanja upravljanjem otpadom (PPUO), koji je svaka općina dužna izraditi prema Zakonu o upravljanju otpadom, a odnosi se na saniranje postojećih općinskih odlagališta otpada, kako bi se riješile sve dileme koje postoje po pitanju procesa upravljanja otpadom na ovom području, jer prema Zakonu o upravljanju otpadom buduća odlagališta jedino mogu biti regionalnog tipa, saopćeno je iz ministarstva.



**Semir Efendić, načelnik Općine
Novi Grad Sarajevo**

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelsmed.com
www.eacea.ec.europa.eu



Grb Općine Novi Grad Sarajevo

ODRŽAN SUSRET PRIVREDNIKA OPĆINE NOVI GRAD SARAJEVO

Povodom 100 dana od stupanja na dužnost načelnika mr. Semira Efendića, a u okviru programa 'Pokrenimo Novi Grad zajedno' u multimedijalnom centru Općine Novi Grad Sarajevo, održan je susret sa privrednicima.

Načelnik Semir Efendić iznio je podatke o aktivnostima koje su pokrenute u proteklih 100 dana od dolaska nove administracije u Općinu. On je istakao da su u tom periodu pokrenute brojne aktivnosti na početku realizacije projekata planiranih izbornim programom 'Pokrenimo Novi Grad zajedno'.

"Namjera nam je da od Novog Grada napravimo mjesto ugodnog života, općinu poželjnu svima, sigurnu i stabilnu, otvorenu i prosperitetnu, slobodnu i pogodnu za komunikacije i protok roba, ideja i kapitala. Općina Novi Grad je strateški najvažnija Općina u državi. Kao najmnogoljudnija, sa teritorijalnim značajem i pozicijom, kao sastavni dio glavnog grada, sasvim je jasno da je uspješna i prosperitetna Općina Novi Grad značajan doprinos jakoj i stabilnoj Bosni i Hercegovini. Građani i investitori u našoj Općini se moraju ponovno osjećati bitnim u razvoju Novog Grada, a ovo je samo jedna od inicijativa s naše strane, da svi oni učestvuju u procesima predlaganja, kreiranja i provedbe projekata", riječi su načelnika Efendića.

Efendić je u svom obraćanju privrednicima naglasio kako je najvažniji dio programa poboljšanje stanja privrede i zapošljavanje. "Iz tog razloga smo organizirali ovaj susret, jer smatramo da sami ne možemo riješiti problem nezaposlenosti. U Novom Gradu je 20.000 nezaposlenih. Ovaj problem koji smo naslijedili i koji Općinu Novi Grad koči na putu razvoja, možemo rješavati zajedno sa ljudima koje smo danas pozvali, sa ljudima koji grade novu vrijednost", istakao je Efendić.

On je dodao da Općina može biti kvalitetan partner privrednicima koji imaju sjedište i vrše poslove na prostoru općine Novi Grad. S tim u vezi, Općina namjerava formirati poslovni Savjet i uspostaviti stalnu komunikaciju sa svim privrednicima koji to žele. Iskazao je uvjerenje da će to označiti početak razvijanja dobrih poslovnih odnosa između javnog i privatnog sektora.

Tokom susreta je najavljeno i „oživljavanje“ neiskorištenog prostora fabrike Zrak u Buča Potoku. U tom smislu planirano je da se najmanje šest poslovnih prostora unutar Zraka ponudi privrednicima s ciljem pokretanja proizvodnje i otvaranja novih radnih mjesta.

„Postoje određene odluke Vlade FBiH koje ovoj kompaniji daju mogućnost da ona upravlja svojom imovinom. Najmanje šest kvalitetnih lokacija za izgradnju proizvodnih pogona u prostoru industrijske zone Zrak ponudit ćemo našim privrednicima i onima koji nisu iz Novog Grada. Obzirom da to nije obuhvaćeno regulacionim planom, moraćemo uraditi urbanistički projekat, na čijoj se pripremi već radi“, naglasio je načelnik Općine Novi Grad.

„Želimo biti pozitivan primjer djelovanja jedne lokalne zajednice. Mnogo je kompanija koje rade na području Novog Grada koje se mogu i trebaju dalje razvijati. Po prvi put je Općina Novi Grad u svom Budžetu izdvojila sredstva za podsticaj privredi u svrhu zapošljavanja“, rekao je načelnik Efendić.



Tokom susreta prezentiran je rad nekoliko bh. i novogradskih uspješnih kompanija. Rad svojih kompanija prezentirali su predstavnici kompanije: BEKTO- Precisa iz Goražda, BH Telecom, Euro-Asfalt, FACE TV Media, te firme Dr. Pasha i Amosgraf.

Susretu je prisustvovalo više od 130 privrednika s područja općine Novi Grad i šire, te predstavnika državnih institucija, međunarodnih organizacija, ambasada, USAID-a, itd.

OPĆINSKI NAČELNICI ŽZH ODRŽALI ZAJEDNIČKI SASTANAK

Općinski načelnici iz Županije Zapadnohercegovačke, u četvrtak, 14. veljače održali su zajednički sastanak u prostorijama Općine Posušje. Pored domaćina, Branka Bage, Općinskog načelnika Općine Posušje, sastanku su nazočili i Nevenko Barbarić, načelnik Općine Ljubuški, Miro Kraljević, načelnik Općine Široki Brijeg, Ljubo Grizelj, načelnik Općine Grude, te gošća iz Ministarstva obrazovanja, znanosti, kulture i športa ŽZH Helena Lončar, ministrica ovog ministarstva.

Teme razgovora odnosile su se na poboljšanje suradnje kako između općina tako i između općina i viših razina vlasti. Također, razmjenjivana su iskustva vezana uz funkcioniranje općina kao jedinica lokalne samouprave.

(<http://www.opcina-posusje.ba>)



Sastanak općinskih načelnika ŽZH



U TOKU PROŠIRENJE UREĐAJA ZA PROČIŠĆAVANJE OTPADNIH VODA U ČITLUKU

ČITLUK, 20. februar/veljača – U Općini Čitluk u toku je realizacija Druge faze izgradnje kanalizacijskog sistema, kojom je predviđeno proširenje uređaja za pročišćavanje otpadnih voda u mjestu Potpolje.

Za agenciju Onasa, načelnik Općine Čitluk, Ivo Jerkić kazao je kakao je "ovo nastavak Prve faze projekta koji predviđa izgradnju povrtnog tlačnog kolektora otpadnih voda od Međugorja do lokacije uređaja za pročišćavanje u Potpolju i izgradnju crpne stanice otpadnih voda u Međugorju, odakle će se otpadna voda kroz tlačni kolektor dovoditi do uređaja za pročišćavanje. Uz Lukoć, na nekih kilometar ispod crkve u Međugorju prema Miletni, gradi se pumpna stanica koja će otpadne vode prebacivati u pročištač u Potpolju".

Prema njegovim riječima, rok za izvođenje Druge faze radova je septembar/rujan ove godine.

"Budući da je Općina Čitluk iz vlastitih sredstava finansirala prvu fazu, Evropska komisija je ovaj projekt prepoznala kao jedan od najkvalitetnijih u pogledu zaštite okoliša i podzemnih voda, te ga sufinansira sa 70 posto, dok ostatak osigurava Općina. Vrijednost radova ove druge faze iznosi dva miliona eura", dodao je načelnik. Istakao je da je realizacija projekta, odnosno prva faza, počela još 2002. godine i trajala do 2008.

U okviru nje izgrađeni su objekti kanalizacijskog sistema naselja Čitluk, te niz pratećih sadržaja koji će smanjiti dodatna ulaganja prilikom realizacije Druge faze.



KOMUNALNOM JAVNOM DRUŠTVU MAGLAJ PREDAT NA UPOTREBU SAVREMENI KAMION ZA ODVOZ SMEĆA

MAGLAJ, 25. februar/veljača – Komunalnom Javnom društvu Maglaj danas je, u prisustvu ambasadora Češke Republike u BiH Tomaša Sunjoga (Tomas Szunyog), predat na upotrebu savremeni kamion za odvoz smeća vrijedan 230.000 KM.

Radi se o djelu projekta "DO MA ČISTO" kojeg realizuje lokalna akciona grupa regije Doboja, a zahvaljujući sredstvima Češke razvojne agencije u iznosu nešto većem od 1,6 miliona KM. Nešto ranije, KJD Maglaj je osim kontejnera već dobilo savremeni kamion za odvoz smeća.

Na ovaj način usluge stanovnicima općine Maglaj podignute su na viši nivo.

Projekat komunalne privrede "DO MA ČISTO" realizuje se uspješno već dvije godine u općinama Doboju i Maglaju. Osim opremanja dva komunalna društva, zatim edukacije mladih o važnosti reciklaže otpada, projekat podrazumjeva i izgradnju regionalne deponije na području općine Doboja koju bi trebalo koristiti 14 općina ove regije.

Kako je tokom razgovora sa načelnicima općina Doboja i Maglaja Obrenom Petrovićem i Mehmedom Mustabašićem kazao ambasador Sunjog, iskustva Češke koja je među vodećim zemljama u Evropskoj uniji (EU) po nivou reciklaže otpada mogu se dobro iskoristiti i ovdje. "Čuo sam da je kompanija 'Natron- Hayat' prisiljena uvoziti stari papir, pa vjerujem da će se ovim projektom stanje promijeniti. Bitno je da se radi o projektu međuentitetske saradnje. Značajno je i da će djeca više naučiti o važnosti razdvajanja otpada. Ovo smatram i uvodom u pristup prema evropskim fondovima", rekao je ambasador Sunjog.

Tokom posjete Maglaju i Doboju, ambasador Sunjog, te predstavnici Češke razvojne agencije i firme GEOTES, posjetili su Komunalno preduzeće Progres u Doboju, te Prvu osnovnu školu Maglaj u kojoj su već postavljena dva kontejnera namijenjena selektivnom prikupljanju papira i plastike.

Prema ovom projektu, blizu 5.000 osnovaca iz Doboja i Maglaja biće obuhvaćena edukativnom kampanjom.



Radi se o djelu projekta "DO MA ČISTO" kojeg realizuje lokalna akciona grupa regije Doboja, a zahvaljujući sredstvima Češke razvojne agencije u iznosu nešto većem od 1,6 miliona KM.



Hajrudin Hadžidedić,
načelnik Općine Odžak

INTERVJU: HAJRUDIN HADŽIDEDIĆ, NAČELNIK OPĆINE ODŽAK

Razgovarao: Ismar ŠMIGALOVIĆ

SARAJEVO, 25. FEBRUARA (ONASA) - Načelnik Općine Odžak Hajrudin Hadžidedić u intervjuu za Agenciju ONASA govori, između ostalog, o najznačajnijim projektima i budućim planovima Općine Odžak, nosiocima privrednog razvoja, problemima s kojima se susreće ova općina, granama privrede koje imaju najveće potencijale za ulaganje u Odžaku, značaju autoputa na Koridoru 5C koji će prolaziti kroz ovu općinu...



ONASA: Na prošlogodišnjim lokalnim izborima osvojili ste mandat za načelnika Općine Odžak. Na čemu će biti akcent rada lokalne vlasti u Odžaku u narednom periodu?

Hadžidedić: Općina Odžak trenutno prolazi kroz jedan od najtežih perioda nakon rata. U takvoj situaciji teško je odgovoriti na sve izazove koji stoje pred lokalnim vlastima u ovoj općini. Potrebno je puno znanja, volje i spremnosti za vrijeme koje dolazi i mega projekte koji će početi već u toku ove godine. Pri tome posebno mislim na izgradnju dionice autoputa na Koridoru 5C i mosta na rijeci Savi između Republike Hrvatske i BiH. Radi toga će biti važno posvetiti posebnu pažnju izgradnji efikasnije lokalne uprave, stvaranju uslova za razvoj poljoprivrede i poduzetništva, osiguranju adekvatne podrške ruralnom razvoju i samozapošljavanju u gradskom i seoskim područjima općine. Poseban akcent će biti na privlačenju stranih investicija i ulaganja naše dijasporu kroz pripremu projekata koji omogućavaju realizaciju njihovih poslovnih ideja.

ONASA: Koji su najčešći problemi s kojima se suočava općina Odžak?

Hadžidedić: Brojni su problemi s kojima se trenutno suočava općina Odžak. Pored značajnog negativnog demografskog trenda, koji je posljedica odlaska uglavnom mladog stanovništva, tu je i nizak udio visokoobrazovanih kadrova u ukupnom stanovništvu. Općina Odžak ima visoku stopu nezaposlenosti i mali budžet u odnosu na broj stanovnika. On se kreće u okvirima od 3,2 do 3,5 miliona KM, što ne dopušta veća izdvajanja za potrebna ulaganja u kapitalne investicije. Stalne migracije visokoobrazovanih kadrova ka ekonomski razvijenim centrima smanjuju institucionalni kapacitet za upravljanje ekonomskim razvojem. Veliki dio problema općine vezan je za nerazvijenu infrastrukturu, kvalitet saobraćajnica u ruralnom dijelu općine, nedostatak stalne i uređene lokacije za odlaganje otpada i slabu pokrivenost seoskih naselja vodoopskrbom.

ONASA: Jeste li zadovoljni stopom zaposlenosti na području općine Odžak i šta općinska vlast radi na povećanju zaposlenosti, posebno mladih i obrazovanih kadrova?


Hadžidedić: Trenutni broj zaposlenih na području općine Odžak je nešto viši od polovine prijeratnog broja zaposlenih. Broj registrovanih zaposlenih kontinuirano je rastao u posljednjih nekoliko godina, ali se to ne može reći i za 2012. godinu. Stanje na tržištu rada je daleko od povoljnog, prvenstveno zbog velikog broja nezaposlenih i niske stope ekonomske aktivnosti radno sposobnog stanovništva. Stopa nezaposlenosti se kreće u granicama od 40 do 50 posto. Treba naglasiti da je prisutan i veliki procenat sive ekonomije i da je značajan broj radno sposobnog stanovništva koji se bavi poljoprivredom, a čiji status nije formalno definiran. Naravno da s ovakvom situacijom ne možemo biti zadovoljni. Zbog toga je općinska uprava pokrenula nekoliko projekata vezanih za zapošljavanje, posebno mladih kadrova. Pokrenuta je Omladinska banka u Odžaku, koja finansijski podržava manje projekte mladih. Na ovaj način mladi stiču potrebna iskustva u realizaciji projekata i potiču na samozapošljavanje. Tokom svake godine omogućava se mladim visokoobrazovanim kadrovima da volontiraju i steknu pripravnički staž. U saradnji s višim nivoima vlasti koriste se poticajna sredstva za zapošljavanje, a kroz različite olakšice poduzetnicima u ishodovanju potrebne dokumentacije stimulira se novo zapošljavanje. U planu je i otvaranje poslovnog inkubatora za mlade.

ONASA: Ko su nosioci privrednog razvoja općine Odžak?

Hadžidedić: Glavni nosioci razvoja poljoprivredne proizvodnje na području općine Odžak je firma "Poljoprivrednik" koja trenutno obrađuje više od 500 hektara oranica i koja je najveći proizvođač sjemenskog materijala u BiH. Pored ove firme brojne su mini-farme koje se bave tovom junadi. Kada je industrija u pitanju, onda se može reći da je prerada drveta jedna od najzastupljenijih. To su firme "Sejdić", "Tišleraj Salkanović" i "Braća Karić". Ostale značajnije firme iz oblasti prerade metala su "Strolit", livnica "Metalac" i proizvodnja obuće "Brkić Trade". Jedna od vodećih firmi u prehrambenoj industriji je i "Mlin Majić".

KORISNI LINKOVI ZA PREDPRISTUPNE FONDOVE EU:


www.southeast-europe.net
www.adriaticpacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Odžak

"Jedan od najvećih ulagača u našu općinu može biti i dijaspora koja raspolaže velikim finansijskim, ali i intelektualnim kapitalom. Općinska uprava organizuje u tom pravcu susrete s dijasporom na kojima se razgovara o mogućnostima ulaganja u domovini."

Savez / Zajedno za uređenu i razvijenu lokalnu samoupravu



ONASA: S obzirom na geografski položaj Odžaka, poljoprivreda je strateška grana razvoja u općini Odžak. Koje još grane privrede imaju potencijale za ulaganje u Odžaku i šta Općina čini da bi privukla investitore?

Hadžidedić: Općina Odžak je izrazito poljoprivredni kraj. U svojoj strategiji integriranog lokalnog razvoja poljoprivreda ima najznačajnije mjesto. To je i iz razloga što zemljišni fond obradivog zemljišta iznosi 0,47 hektara po glavi stanovnika. Ovim podatkom Odžak se ubraja u one općine u BiH koje imaju najveći odnos obradivih površina po stanovniku. Međutim, poljoprivreda još nije zastupljena u punom kapacitetu raspoloživih resursa. Prolaskom Koridora 5C otvoriti će se mogućnosti razvoja logističkih centara i konsignacionih skladišta uz samu granicu. Veliki potencijal općine je i u razvoju turizma koja je poznata po lovnom i ribolovnom turizmu. Posebne mogućnosti su u razvoju tranzitnog, ali i drugih oblika selektivnog turizma. Rijeka Sava i Bosna su idealne za razvoj riječnog nautičkog turizma. Ove mogućnosti su predstavljene u Master planu razvoja turizma naše općine. Izgradnjom poslovnih zona "Sjever" i "Jug", otvaraju se mogućnosti ulaganja potencijalnih investitora. Jedan od najvećih ulagača u našu općinu može biti i dijaspora koja raspolaže velikim finansijskim, ali i intelektualnim kapitalom. Općinska uprava organizuje u tom pravcu susrete s dijasporom na kojima se razgovara o mogućnostima ulaganja u domovini. U augustu će biti organizirana i konferencija u Odžaku na kojoj će biti prezentirani razvojni projekti, mogućnosti za investiranje i podrška Općine kod osnivanja preduzeća.

ONASA: Kakvi su trendovi, odnosno da li imate najave otvaranja novih privrednih subjekata?

Hadžidedić: Općina Odžak će početkom izgradnje autoputa na Koridoru 5C u drugoj polovini 2013. godine postati jedno od najvećih gradilišta u BiH. Vrijednost investicija se procjenjuje na blizu 50 miliona eura, što znači da će biti potreban veliki broj radnika različitih profila. Dolazak snažne građevinske operative zahtijevat će i brojne druge usluge kao što su smještaj, ishrana, zanati, obezbjeđenja objekata... Budući carinski terminal će stvoriti uslove za zapošljavanje većeg broja radnika. Izgradnjom autoceste i mosta na rijeci Savi, Odžak postaje "vrata BiH". Novi geoprometni položaj pozicionira općinu Odžak u najperspektivnije općine u narednih nekoliko godina. Šansu koja nam se ukazuje nesmiemo propustiti.



Odžak

STARI GRAD DOBIJA NOVI PARK PRIJATELJSTVA

Nakon što se usklade zahtjevi navedeni u rješenju građevinske dozvole, krenuće se u realizaciju projekta "Park šume prijateljstva" na lokalitetu Grdonj, u sarajevskoj općini Stari grad. Tako će Saralije dobiti novo mjesto za odlazak na rekreaciju i uživanje.

Kako je planirano projektom, čiju će tehničku realizaciju sprovesti Turska uprava za međunarodnu saradnju (TIKA), park će imati površinu od oko 6 ha i imaće dva ulaza sa posebno izgrađenim kapijama.

Tu će biti i vidikovac sa veličanstvenim pogledom na Sarajevo, šetnica, amfiteatar koji će moći primiti 80 posjetilaca, te prostor za vježbanje opremljen savremenim spravama za vježbanje.

Predviđen je i kafe-restaurant na površini od 308 m² sa okolnom tarasom. Također, predviđen je prostor za piknike, dječije igralište, fontana. Duž šetnice biće izgrađen i drveni most, dužine 10 metara.

Projektom je predviđen protivpožarni punkt za gašenje lokalnog požara, prijemna kućica i kiosk za prodaju suvenira.

Cijelom šetnicom biće postavljen dovoljan broj koševa za otpatke, smjernice i znakovi upozorenja. Park će imati i javnu rasvjetu.

Projekat "Park šume prijateljstva" na lokalitetu Grdonj nastao je kao plod saradnje između Udruženja inženjera i tehničara šumarstva FBiH (UŠIT) i Generalne direkcije za šumarstvo Republike Turske. Generalna skupština UN-a je 2011. godinu proglasila Međunarodnom godinom šuma sa ciljem podizanja svijesti o održivom upravljanju, očuvanju i razvoju svih tipova šuma i u skladu s tim pozvala sve države članice da organizuju aktivnosti kojima bi se obilježila ta godina.

Zvanična delegacija šumarstva BiH posjetila je iste godine Republiku Tursku gdje je dogovorena realizacija projekta "Park šume prijateljstva", kao simbol bosanskohercegovačkog i turskog prijateljstva i saradnje.

Eksperti iz Turske, u saradnji sa stručnjacima KJP "Sarajevo-šume", Uprave za šumarstvo KS i Udruženja inženjera i tehničara šumarstva FBiH, iste godine su posjetili predviđeni lokalitet za Park šuma, nakon čega je u generalnoj direkciji "Turskih šuma" u Ankari urađen idejni projekat.



'Park šume prijateljstva'



Grb Općine Cazin

OPĆINA CAZIN SE ZADUŽUJE ZA ZAVRŠETAK KANALIZACIONE MREŽE

Na sjedinici Općinskog vijeća Cazin, koja je održana u ponedjeljak 25. februara/veljače, razmatran je prijedlog Odluke o davanju prethodne saglasnosti na kreditno zaduženje za implementaciju projekta izgradnje glavnog i sekundarnih kolektora i prečištača otpadnih voda u općini Cazin, saopćeno je na web stranici te općine. Radi se o kreditu od 5 mil EUR za koji bi se kod Evropske banke za obnovu i razvoj zadužilo Javno preduzeće "Vodovod". Obrazlažući razloge za donošenje ove Odluke, načelnik Nermin Ogršević je



kazao da je ovo korak ka finaliziranju priče i rada na izgradnji kanalizacionog sistema u općini Cazin. Istakao je da je Općina Cazin za ovaj projekat obezbjedila i bespovratna sredstva stranih donatora od 6,7 mil EUR. Predstavnici svih vjećničkih klubova složili su se da je ovo projekat od iznimne važnosti za sve građane cazinske općine, jer će se njime, prije svega zaštititi izvorišta vode.



Cazin

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.facso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

OPĆINE KOJE OBILJEŽAVAJU SVOJ DAN U MJESECU MARTU/OŽUJKU

06. mart/ožujak - Dan Općine Hadžići. Taj dan se obilježava kao znak sjećanja na 6. mart 1996. godine, kada je izvršena reintegracija dijelova općine Hadžići koji su bili okupirani tokom agresije na Bosnu i Hercegovinu. Hadžići, Binježevo, Žunovnica, Grivići i Drozgometva su naselja koja su 6. marta 1996. godine predata legalnim vlastima Općine Hadžići.

10. mart/ožujak - Dan Općine Doboj Istok. Tog dana 1998. godine Parlament Federacije BiH donio je odluku o osnivanju općine Doboj Istok.


10. mart/ožujak - Dan Općine Teočak. Ovaj datum je izabran jer je na taj dan 1998. godine stupio na snagu Zakon o konstituisanju novih općina u FBiH.

12. mart/ožujak - Dan Općine Ilidža. Naime, 12. marta 1996. godine, provodeći odredbe Dejtonskog mirovnog sporazuma, realizirana je mima reintegracija područja općine Ilidža.

15. mart/ožujak - Dan Općine Dobretići. Naime, na taj datum Parlament Federacije BiH formirao je Općinu Dobretići.



Hadžići



Teočak



Ilidža



Doboj Istok



Dobretići

Savez općina i gradova Federacije Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEB-U

WWW.SOGFBIH.BA

OPĆINE KOJE OBILJEŽAVAJU SVOJ DAN U MJESECU MARTU/OŽUJKU

18. mart/ožujak - Dan Općine Fojnica. Ovaj datum je uzet za obilježavanje Dana Općine jer se u dokumentima dubrovačkih trgovaca na taj dan 1365. godine prvi put spominje grad Fojnica.

18. mart/ožujak - Dan Općine Sapna. Ovaj dan je uzet za obilježavanje Dana Općine zato što je tog dana 1998. godine održana prva sjednica Općinskog vijeća novoformirane Općine Sapna.

19. mart/ožujak - Dan Općine Foča-Ustikolina.

20. mart/ožujak - Dan Općine Zenica. Na taj dan 1436. godine Zenica je prvi put spomenuta u dokumentu kojim se dubrovačkim trgovcima omogućava slobodno kretanje i poslovanje na području Bosne.

21. mart/ožujak - Dan Općine Dobo Jug.

21. mart/ožujak - Dan Općine Travnik.

SAPNA



Zenica



Dobo Jug



Travnik



Fojnica



Sapna



Foča-Ustikolina

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.